

INUIT ATAQATIGIIT INATSISARTUNI



UPA: 42/2023

Ulloq saqqummiivik: 26. April 2023

Illit atit: Mariane Paviasen

Utoqqalinersiaqarneq pillugu Inatsisartut inatsisaannik allannguineq aamma siusinaartumik pensionisiat pillugit Inatsisartut inatsisaannik allannguineq pillugit Inatsisartut inatsisaat nr. xx, xx. xxxx 2023-meersoq

(Utoqqalinersialinnut toqqammaviusumik utoqqalinersianik iluarsineq aamma siusinaartumik pensionisianik qaffasinnerpaanik iluarsineq)

Inuit Ataqatigiinniit siunnersuut siorna inatsisiliani aqqissutaasussatut qaqqinneqartoq ima oqaaseqarfigissavarput.

Naalackersuisut aallaqqaasiutigalugu nassuaatigaa siorna utoqqalinersiaqartitsisarnermi inatsimmik allanngortitsinitsinni ilanngutinngitsuugaqarsimanitta kingunerisaanik utoqqalinersiat aningaasanik inatsimmi akuerisaasuniit, aammalu neriorsuutaasuniit 118,00 koruuninik annikinnerusunik tunniusisoqartussanngorlugi inissittoorneqarsimasoq, unalu iluarsissutissatut siunnersuut kommunit eqqummaarillutik arlaliullutik saaffiginnissuteqarsimaneranniit iluarsissutissaq suliarineqartoq.

Naak 1. Juli 2022-mi Naalackersuisoqarfiup kommuninut nalunaaruteqarsimagaluarlutik 118,00 koruunit kingumoortumik atuuttumik tunniunneqartussanngorsimagaluaaraat pitsaasuvoq maanna inatsit iluarsillugu suliarileratigu, tamaannarpiarlu tunngavigalugu suliaq una qaqqinneqarpoq.

Tunngaviusumik utoqqalinersiat saqqummiussaqaq malillugu juni 2022-mi ukiumut 65.652,00 kr-niupput, juli 2022-imi qaffanneqarlutik 74.652,-kr-ninngorlutik qaffaat ukiumut tassaalerpoq 9.000,00kr, qaammammullu 750,00-ninngorluni.

Siusinaartumik soraarnerusutisialinnut allannguut ima isikkoqqartinneqarpoq: Junimi 2022-mi 121.291,00 kr.-niuvoq, julimi 2022-mi 126.951,00 kr.-nngorpoq qaaffaat tassani ukiumut 5.660,00 kr.-ninngorpoq, qaammammut qaffaat tassaalerpoq: 470,00kr-ni. 2023-imi aningaasaliissutit malillugit 129.870,00-kr.-ninngortinneqarniarput.

Inuit Ataqatigiinni maluginarparput inatsisissatut siunnersuut una kingumoortumik atuutilersinniarneqartoq, 01. Juli 2022-miit atuutilersimasutut naatsorsuutaasasoq akuerigutsigu.

INUIT ATAQATIGIIT INATSIARTUNI



Utoqqaat atugaannut pitsaanngorsaataasussatut aningaasaliissutit 2022-mi 15.mio. qaffanneqareernikuupput, 2023-milu 30 mio. kr-nik qaffanneqareerlutik, ima paasillugu una inatsisissaq aningaasaliissutitsigut akuersissutigereernikuuarpur taamaammallu siunnersuut tamakkiisumik taperserparput.